



Programi tekniko-industrial

ALBANSKA

Programi tekniko-industrial është një program i cili ju çon deri te diploma profesionale.

Programi tekniko-industrial i'u drejtohet ju që dëshironi të punoni me nxerrjen e produkteve, sigurimin e operimit, mirëmbajtje dhe saldimit në kuadër të industrisë teknike. Ju do të jeni të kyçur që nga planifikimi dhe dizajni deri te prodhimi dhe operimi. Ju do të mësoni përdorimin e sistemeve të avancuara teknike.

Ju keni mundësi të filloni punën menjëherë pas kryerjes së shkollës, ose të studioni në ndonjë shkollë të lartë profesionale. Gjithashtu, ju keni mundësi të zgjedhni kurse ekstra për të studiuar më tutje në shkollë të lartë.

KATËR DREJTIME TË NDRYSHME

Siguria e operimit dhe teknologjia e mirëmbajtjes

- Ju do të mësoni mirëmbajtjen sistematike dhe strategjike. Ky drejtim u jep mundësi punësimi, si p.sh. mekanik automatizmi, mekanik servisi dhe mekanik mirëmbajtje.

Teknologjia e procesit

- Ju do të mësoni rreth proceseve kimike dhe mekanike në industri, kontrollit të kualitetit, teknologjia e drejtimit dhe e kontrollit automatik. Ky drejtim u jep mundësi punësimi, si p.sh. llakim industrial, teknik laborator, në industrinë kimike dhe operator procesi.

Prodhim dhe makineri teknike

- Ju do të mësoni se si përdoren veglat e punës, pajisjet e industrisë dhe materialet. Ky drejtim u jep mundësi punësimi, si p.sh. operator CNC-je metal dhe dru, shkrirës, operator makine, mekanik zdrukthëtarie, vizatues, punëtor shtypi, teknik prodhimi, operator sharre dhe zdrukthëtar uzine.

Teknikë saldimit

- Ju do të mësoni rrethë teknikës së saldimit dhe përpunimit të teneqesë. Ky drejtim u jep mundësi punësimi, si p.sh. saldues.

Këto gjëra do t'i mësoni në këtë program

Ju do të mësoni rreth teknikës dhe prodhimit industrial. Ju do të punoni me pajisje, materiale dhe procese. Ju do të mësoni rreth fazave të ndryshme të prodhimit, organizimit të punës, ekonomisë së produktit, përdorimit të lëndës së parë dhe energjisë, sigurimit të kualitetit dhe se si përzgjedhja e materialit, metodave dhe teknikave kanë ndikim në shoqëri dhe ambient.

Në këtë program rëndësi të posaqme u kushtohet çështjeve që kanë të bëjnë me ambientin e punës, për t'iu ikur lëndimeve në punë si dhe për të krijuar një shëndet të mirë.

Programi është i hartuar në këtë mënyrë

Në shkollat e mesme profesionale, lëndët e përbashkëta të arsimit të mesëm janë: gjuha angleze, historia, edukata fizike dhe shëndeti, dituri natyre, dituri religjioni, dituri shoqërore, gjuhë dhe letërsi suedeze dhe suedishtja si gjuhë e dytë.

Në programet profesionale ju do të mësoni më shumë lëndë profesionale, të ashtuquajtura lëndë specifike e më pakë lëndë që i keni pasur në shkollën filllore.

Lëndë specifike të përbashkëta të këtij programi janë: Proceset tekniko-industriale, njeriu në industri, dituri prodhimi dhe pajisje prodhimi.

Ju e keni mundësinë të specializoheni dhe të zgjeroheni edhe me shumë brenda këtij programi profesional. Një gjë e tillë quhet, thellim në program. Pyetni shkollën se cilat lëndë thellimi ju ofronë ajo.

Ju e keni poashtu edhe përzgjedhjen individuale, ku ju vetë zgjedhni cilat lëndë doni t'i mësoni. Pyetni shkollën se cilat kurse i posedojnë.

Format e punës

Ky program pikënisjen e ka te problemet e ndryshme praktike, zgjidhjen e të cilave e bëni bashkarisht apo në mënyrë individuale. Ju do t'i ushtroni aftësitë t'uaja për të marrë iniciativë dhe për të qenë kreativ si dhe do të mësoni se si bashkëpunohet me firma tjera dhe mundësin e hapjes së firmës private. Ju do të mësoni të planifikoni, realizoni, dokumentoni, dhe zhvilloni punën.

Punim përfundimtar i shkollës së mesme

Në përfundim të programit tekniko-industrial, ju duhet të përpiloni një punim të shkollës së mesme, brenda lëmisë së profesionit t'uaj të zgjedhur, ku do të dëshmoni se jeni pajisur me ato dituri që u nevojiten për të filluar punën në atë drejtim për të cilin jeni arsimuar.

Të mësuarit në vend pune

Disa pjesë të mësimit zhvillohen në një apo më shumë vende të punës, më së paku gjatë 15 javëve të mësimit dhe quhet të mësuarit në vendin e punës. (suedisht: APL). Kjo është një pjesë përbërëse shumë me rëndësi e shkollimit t'uaj. Apl u jep përvoja dhe kontakte të shumta për të cilat do të keni nevojë kur të kërkonit punë.

Trajnim shëgertësh

Në kuadër të këtij programi keni mundësi të zgjedhni trajnim shëgerti të nivelit të arsimit të mesëm. Kjo do të thotë se ju do të përfitonit dituri të njëjta, por kjo kërkon që së paku gjysma e mësimit duhet të kryet në një apo disa vende pune.

Mendohuni mirë

Nëse doni t'a përfitonit kompetencën themelore për arsim të lartë, është e rëndësishme që t'i planifikoni studimet t'uaja. Në këtë rast ju duhet t'a shfrytëzoni përzgjedhjen individuale si dhe ju do të keni nevojë të mësoni një program më të zgjeruar. Pra i'u duhet të mësoni edhe dy kurse tjera të gjuhës suedeze apo suedishtja si gjuhë e dytë si dhe një kurs të gjuhës angleze. Mos hezitoni të flisni me një këshilltar të orientimit arsimor dhe profesional nëse dëshironi të studioni më tutje.

Ju keni gjithmonë të drejtë që në kuadër të përzgjedhjes individuale, të zgjedhni një kurs më shumë në edukatë fizike dhe shëndet dhe një lëndë estetike.